



MID TEM RIVIU: SAMARI RIPOT

A. Wanem emi Lokol Konseveisen Inisitiv Projek.

1. Lokol Konseveisen Inisitiv Projek (LCIP) emi wan projek blong Kavman blong Vanuatu blong fo (4) yia. Globol Envaeronmen Fasiliti (GEF) nao i givim mani blong hem mo UNDP Ofis we i stap long Suva i implementem projek ia long Vanuatu. Stampa tingting blong projek emi blong enkarejim ol man ples blong yusum ol tradisenol mo ol stret fasin blong lukaotem gud ol plan mo ol animol wetem ol ples we oli laef long hem (baeodaevesiti). Blong kasem samting ia, LCIP i wok wetem ol komuniti long aelan blong Gaua, Santo mo Tanna.



Oi aktiviti blong projek oli kapremap ol eria ia.

- *Leftemap wok long ol tradisenol mo lokol fasin blong lukaotem gud baeodaevesiti long Gaua, Santo mo Tanna;*
- *Givhan long kavman mo NGO blong oli save sapotem wok blong ol komuniti konseveisen inisitiv. Mo projek i mekem sua se ol gudfala wok ia blong komuniti i ko aot mo kam antap long narafala eria.*
- *Monitarem ol impak long wok blong projek we bae i givim advaes blong konsevem gud ol baeodaevesiti tru long yus blong ol tradisenol fasin.*
- *Administarem mo manejem gud ol aktiviti blong projek.*

2. Lokol Konseveisen Inisitiv Projek emi wan projek blong lan. Oi tradisenol fasin we yumi yusum long projek ia oli niu mo sipos oli sakeseful mbae oli ol gudfala lesen blong yumi, long ol kaen projek olsem long Vanuatu mo ol nara kaontri long Pacific.

3. Lokol Konseveisen Inisitiv Projek emi stap long fo yia stat long 2006 kasem 2009.

B. Mid Tem Rivi:

Stampa tingting blong Mid Tem Rivi mo hao blong yusum infomesen ia.

4. Mid-Tem Rivi emi wan wok we UNDP i yusum wan man blong givim mo raetem wan ripot abaat projek ia. Man ia i mas ripot long ol samting olsem:

(i) *Projek i wok folem ol objektiv blong hem o no*

(ii) *Disaen blong hem i stret long komuniti o no*

(iii) *Wanem nao ol samting we oli stopem projek blong no gohed gud*

(iv) *Wanem ol aksen blong tekem blong stretem ol problem we i stap.*

Man ia i mas ripot tu long ol gud fala fasin blong wok we i kamaot long projek mo hao ol samting ia i save givihan long projek long fiuja.

5. Mid-Tem Rivi i hapen long 19 March kasem 10 June, 2008. Oi konsoltesen (toktok) wetem ol man blong kavman, NGO, UNDP mo ol komuniti long Gaua mo Tanna i bin tekem ples long namba 19 March kasem namba 2 April, 2008.

Hemia sam impoten samting mo lesen we Rivi i bin faenem aot abaat Lokol Konseveisen Inisitiv Projek wetem ol komuniti we oli tekem pat long projek.



Sam Ki Lesen

1. Kaen projek olsem oli sakes taem we yumi stanem ap long ol praktis we komuniti i save o yusum finis.
2. Blong tokabaot ol objektiv blong baeodaevitesi konseveisen long komuniti, i gud blong yusum ol sasteinabol laef stael blong olgeta.
3. Taem we ol praeoriti blong komuniti i semak olsem ol objektiv blong projek i nid blong mas kat wan strong mo gudfala awenes long projek.
4. Patisipesen blong evri memba blong komuniti i promotem pis mo koperesen insaed long komuniti mo i bildim tu kapasiti blong evriwan.
5. Andastanding blong ol komuniti long baeodaevitesi konseveisen i semak nomo long andastanding blong olgeta long hao blong yusum gud ol risos blong olgeta, espesili taem we kaen risos ia i sapotem evridei laef blong olgeta.
6. Manejmen blong projek i mas klia gud long bigining blong mekem se ol pipol oli no kat wan rong tingting long wanem projek mbae i mekem long olgeta.
7. Pipol i luk save impotens blong tradisenol *tabu* taem we kavman tu i sapotem ol kaen projek olsem.



Sam Impoten Rekomendesen

15. Komuniti i nid blong protektem ol kaen neija (plan, animol, insek, etc.) mo ol eria (ples) we oli impoten long Vanuatu.

16. Plenti bik fala *tabu* eria long saed blong solwota i nidim wan gud fala saentifik wei blong manejem. Sam long ol wei ia olsem, ol tabu eria blong fis, stret saes blong kakaim mo havestem bifo mo afta long sisen blong hem.

17. Lokol Konseveisen Inisitiv Projek i nid blong strongem mo lukluk mo long ol wei blong sasteinem ol komuniti projek ia. Hemia sam long ol samting blong mekem. -

- * Wok kolosap mo wetem ol kavman dipatman olsem Fiseris, Forestri, Akrikolja, Turisim mo ol NGO blong kasem teknikol sapot long olgeta.
- * Projek i sud helpem ol komuniti blong save kasem mane long ol oganaesen olsem GEF Small Grants blong helpem olgeta long ol projek blong olgeta



C. OI Impoten Samting mo Tingting we oli Faenem

Hao Projek i disaen mo patisepesen blong komuniti long hem (disaen).

1. Patisipesen blong komuniti insaed long disaen mo plan blong projek emi gud. Oi komuniti grup olsem Yuth, Joj, Jif, etc. oli givim tingting blong olgeta long taem we oli disaenem projek tas ta wei komuniti i kat bik fala sea insaed long projek.

Oi lokol komuniti oli tek pat long implimentesen blong Projek?

2. Oi aktiviti blong projek oli karem aot long Nasenol, provinsiol mo komuniti level. Wei ia emi impoten blong mekem se ol loa mo polosi blong kaontri i save sapotem ol aksen blong komuniti.

3. Lokol Konseveisen Inisitiv Projek i enka-rejim mo sapotem ol lokol komuniti tru long planning mo aksen ek-sesaes (PLA), ol awenes, advaes mo trening we i blong helpem olgeta blong manejem gud ol risos blong. Wan long ol mein wan emi blong yusum tradisenol *tabu* long taem blong karem fis, kokonat krab, pijin, etc.



4. Lokol Konseveisen Inisitiv Projek emi aidentifaem mo katem daon ol rabis fasin olsem fising insaed long *tabu* eria, ol raorao blong graon mo sipos komuniti i nomo kat intres o sapotem projek. Oi samting ia oli save damejem projek.

Lokol komuniti i filim se i onem projek o no?

5. Rivi i faenem se komuniti i kat strong intres mo sapot long projek. Plenti komuniti oli luk save deinja blong yusum tumas mo spoilem ol natorol risos blong olgeta. Oli luk save se yus blong ol *tabu* emi wan gudfala samting we mbae i save kontinu afta long en blong projek.



C. OI Impoten Samting mo Tingting we oli Faenem.

OI komuniti oli andastanem projek?

6. Lukluk blong komuniti long Gaua mo Tanna ino semak abaot projek ia. OI komuniti long Gaua oli luk save impotens blong manejem gud, ol natorol risos blong olgeta espesili long saed blong fiseris. So oli kat strong intres blong setem ap ol *tabu* eria long solwota. Mbe ol komuniti long Tanna oli laekem mo blong lukaotem gud ol natorol risos mo ol eria we oli difren (unik) long Vanuatu forom ol samting ia oli impoten long fiuja. OI komuniti blong Santo oli luk save se tu geta samting i impoten.

Projek i stap ron long wan stret fasin?

8. Lokol Konseveisen Inisitiv Projek i mas lukluk mo long konseveisen blong baeodaevesiti espesili long Gaua. Plenti komuniti oli konsern tumas blong famem fis, sel mo ol nara kakai insaed long solwota from oli nidim ol samting ia blong kakai mbe i kat bik fala nid blong plenti mo komuniti i mas soem intres long proteksen blong ol kaen plan, animol mo ekosistem we Vanuatu i kat. Blong karem projek i kam bak long stret rod, i kat nid blong yumi mas enkarejim ol komuniti blong protektem gud neija mo ekosistem blong olgeta.



Projek emi afektem wei we komuniti i mekem ol disisen blong olgeta?

9. OI woman mo ol yuth oli tekem pat insaed long ol aktiviti blong projek long evri komuniti we projek i bin tekem ples long hem. Projek blong Lokol Konseveisen i bin enkarejim bik wan patisepesen blong ol woman mo yuth.

Mbae projek i save gohed long ol nara ples?

11. Projek i no save gohed yet mbe i kat lukluk i stap se bambae i save gohed long ol nara fala komuniti long fiuja. Naoia oli stap wok long ol ripot blong talem aot ol gud fala lesen we oli bin lanem long projek we i jej finis.



Implimentesen Blong Projek.

14. Projek i bin gohed gud folem ol oli openem ol *tabu* ples ia, mbae i isi aot kam blong hem mbe i kat nid blong evriwan i kasem fis.



Projek i mekem eni jens long kastom rol blong ol woman mo ol yuth?

12. Projek i mekem se ol woman mo yuth oli kat raet blong tekem pat long ol disisen we komuniti i tekem. Olsem long Gaua, ol woman tu oli joenem ol man blong monitarem rif.

13. OI pipol naoia oli mas ko long we tumas blong kasem fis forom ol *tabu* eria, mbe taem we fis i kam plenti mo

